

佛说造塔延命功德经 1 卷

No. 1026

佛说造塔延命功德经

罽宾国三藏沙门般若奉 诏译

如是我闻。一时佛在舍卫国祇树给孤独园。与大苾刍众及菩萨摩訶萨众俱。尔时波斯匿王在大众中。即从座起整理衣服。偏袒右肩右膝着地。礼佛双足合掌恭敬。而白佛言。希有世尊。相师占我。却后七日。必当寿尽。我为无常苦所逼恼。无所依仰来投世尊。唯愿世尊为我救护。云何令我得离忧苦。佛告言。大王善自安慰勿得忧怖。诸佛如来有善方便。能令大王获殊胜利近延寿命。当得阿耨多罗三藐三菩提。谛听谛听善思念之。吾当为汝分别解说。大王当知。若欲免离无常苦恼超入如来法身寿量。应先发心持佛净戒修最上福。能发此心延王寿命。王白佛言。唯愿世尊为我救护。所说发心持佛净戒修最上福。我便奉行亦令国人奉行此法。未知发心何等心。持何等戒何福最上。唯愿如来为我宣说。佛告大王言。发心者发四无量心。言持戒者持不杀戒。修上福者无过造塔。悲愍救护一切众生。诸天善神常来守护。不相舍离如影随形。发生大王无边福利。大王建立佛塔福利难思。三世如来所共称赞。我为大王略说因缘。王当谛听。乃往古昔有一小儿此地牧牛。有诸相师来共占相谓言。此牧牛儿却后七日必当寿尽。是牧牛儿又于异时。与诸小儿聚沙为戏。中有小儿摧沙为堆。言作佛塔高一磔手。或二或三至四磔手。时此小儿戏聚沙塔高一磔手。却后更延七年寿命。于聚沙时。有辟支佛持钵而行。时诸小儿以嬉戏心。将沙奉施言我施麩。时辟支佛引钵受之。以神通力沙变成麩。时诸小儿见此因缘。皆悉获得清净信心。时辟支佛与诸小儿悉授记莛作如是言。汝诸童子所造之塔高一磔手者。于未来世作铁轮王。王一天下。二磔手者作铜轮王。王二天下。三磔手者作银轮王。王三天下。四磔手者作金轮王。王四天下。时诸小儿以嬉戏心造如是塔感如是果。何况大王发至诚心。若有善男子善女人。以决定心如法造塔。乃至一肘量一磔手一指节一穞麦。所得功德无有限量。常有诸天雨花供养。是故大王。若善男子善女人欲造塔时。先于一切众生起大悲心而为先导。以菩提心而为根本。然后

净地作坛供养。以瞿摩夷涂之烧香散花。面正东坐作是思惟。佛薄伽梵自利利他功德圆满。复能满足众生之愿。我今成就第一法身发菩提心。于薄伽梵所有造塔轨仪法则。一一次第如法奉行。

第一采集妙华。以陀罗尼加持七遍。散布坛上供养如来。陀罗尼曰。

(na) (maḥ) (sa) (ttha) (ya) (tā) (a) (nu) (ka) (ta) (pra)
曩 谟 萨 怛他(二合)耶 埵 阿 耨 羯 多 跋
(ti) (ṣṭi) (te) (pū) (ṣpa) (ke) (tme) (ta)
罗 底 瑟 耻(二合)帝 布 数 波 罽 答 迷 怛
(thā) (ga) (tā) (ya) (saṃ) (mya) (ksa) (bu) (ddhā) (ya) (ta) (dya)
他 蘖 多 耶 三 藐 三 母 驮 耶 怛 儼也(二合)
(thā) (pū) (ṣpe) (pū) (ṣpe) (su) (pū) (ṣpe)
他 补 涩 闭 补 涩 闭(二合)苏 补 涩 闭(二合)
(svā) (hā)
娑 缚(二合)贺(引)

第二埵埴作泥团时。作 (a) 婀字观。此是如来法界身。先当归命作如是言。

(na) (mo) (da) (śā) (dhaḥ) (kṣo) 冯(rthi) (ya) (da)
曩 谟 捺 阇 溺 崛 刍(二合)悉 底(二合)耶 捺
(va) (sa) (rva) (ta) (thā) (ga) (ta) (naṃ) (va) (nde) (ra) (tna)
嚩(平)萨 嚩 怛 他 蘖 多 难 满 泥(上)啰 怛
(tra) (yaṃ) (śu) (vaṃ) (a) (kṣo) (bhya) (a) (mi)
曩(二合)怛 罗(二合)演 输 梵 阿 闍 鞞 阿 弥
(tā) (bha) 两(sya) (bha) (ga) (vaṃ) (ā) (ryā) (va) (ru)
陀 畔 差(子阿反)薄 伽 梵 阿 哩也(引)嚩 嚩
(ki) (te) (śca) (rā) (ya) (gu) (ru)
枳 帝 湿 嚩(二合)罗 耶 麁 嚩

正埵埴时。以俱胝陀罗尼。加持其泥二十一遍。造一佛塔如造一俱胝佛塔。所获功德等无有异。是故此陀罗尼名为俱胝陀罗尼。陀罗尼曰。

(ta) (dya) (thā) (om) (se) (kha) (ṣma) (se) (kha) (ṣma)
怛 儼也(二合)他 唵 苏(上)佉 涩 茗(四合)苏 佉 涩 茗(四合)

(se) (kha) (ṣma) (a) (nu) (ka) (te) (ca) (nte) (ca)

苏佉涩么(四合)阿 耨 羯 谛 讷 讷

(nte) (ta) (nta) (ta) (nta) (ṭha) (ra) (ku) (re) (ye) (śo)

谛 诞 谛 诞 谛 儺(平)啰 拘 黎 曳(八)戌

(va) (dhi) (te) (śu) (va) (dhi) (sa) (rva) (bu) (ddhā) (a)

嚩 提(九)谛 主 嚩 提(十)萨 嚩 母 驮(十一)阿

(dhi) (ṣṭa) (na) (a) (dhi) (ṣṭi) (ta) (a) (bu)

地 瑟 姤(二合)曩 阿 地 瑟 耻(二合)多 阿 母

(ti) (te) (svā) (hā)

底 羝(十四)娑 嚩(二合引)贺(引)

第三次于泥团作 (spha) 娑颇(二合)字观。当观此泥团犹如水精。又如颇胝迦宝。内外清净分明莹彻。以陀罗尼加持一遍。陀罗尼曰。

(oṃ) (va) (jra) (u) (ta) (bha) (bha) (ya) (svā)

唵 嚩 日罗(二合)嵬 多 皤 嚩 耶 娑 嚩(二合引)

(hā)

贺(引)

第四次涂赤土时。作火色观。即知一切世间出世间法。皆从微尘而得成就。作此观已。取干赤土遍涂泥团。观一切法本来无生毕竟空寂。作 (ham) 含字观。想此泥团如镕金色。然后造塔。以陀罗尼加持一遍。陀罗尼曰。

(oṃ) (a) (ra) (ca) (vi) (ra) (ca) (svā) (hā)

唵 阿 罗 左 尾 罗 左 娑 嚩(二合引)贺

第五次以泥团入模时。用陀罗尼加持一遍。然后入模。陀罗尼曰。

(oṃ) (va) (jra) (dhā) (tu) (ga) (rbhe) (svā) (hā)

唵 嚩 日罗(二合引)驮 都 夔 陞 娑 嚩(二合引)贺(引)

第六次入法身真言时。用此陀罗尼加持一遍。然后入印子中。陀罗尼曰。

(oṃ) (dha) 荫(rmma) (dhā) (tu) (ga) (rbhe) (svā) (hā)

唵 达 摩 驮 都 夔 陞 娑 嚩 贺(引)

第七次椎打塔印时。用陀罗尼加持一遍。然后椎打。陀罗尼曰。

(oṃ) (va) (jra) (pū) (nu) (gha) (ra) (ku) (ṭa) (ya) (ku) (ṭa) (ya)
唵 嚩 日啰(二合引)补 特 伽 罗 拘 咤 耶 拘咤耶

(svā) (hā)
娑嚩(二合引)贺

第八次椎打竟。以手作塔阶时。用陀罗尼加持一遍。安置塔阶。陀罗尼曰。

(oṃ) (va) (jra) (ya) (ṣe) (svā) (hā)
唵 嚩 日罗(二合引)喻 晒 娑嚩(二合引)贺

第九次塔正从模中出时。用陀罗尼加持一遍。然后出之。陀罗尼曰。

(oṃ) (dha) 荫(rmma) (ti) (śu) (svā) (hā)
唵 达 摩 底 珠 娑嚩(二合引)贺

第十次脱塔出模已安置塔时。用陀罗尼加持一遍。陀罗尼曰。

(oṃ) (su) (pra) (ti) (ṣṭi) (ta) (va) (jra)
唵 苏 钵罗(二合引)底 瑟耻(二合)多 嚩 日(入)罗(二合)

(svā) (hā)
娑嚩(二合)贺(引)

第十一次安置塔座了。以手按塔顶上。以陀罗尼加持一遍。陀罗尼曰。

(oṃ) (paṃ) (la) 亘(ma) (ta) (nāṃ) (ye) (svā) (hā)
唵 跛罗蓝(三合)摩 哆 喃 曳(平)娑嚩(二合引)贺(引)

第十二次于塔上安伞盖时。以陀罗尼加持一遍。陀罗尼曰。

(oṃ) (paṃ) (la) 亘(ma) (a) (yo) (ye) (svā) (hā)
唵 跛罗蓝(三合)摩 婀 喻 晒 娑嚩(二合)贺

佛告大王。若善男子善女人。以清净心依此轨仪造作佛塔。若自作若教人作。若复赞叹若当信受。所得功德与造佛塔等无差别。当知是人于此一生。不为一切毒药所中。寿命长远无有横死。究竟当得不坏之身。一切鬼神不敢逼近。五星七曜随顺驱使。一切怨家悉皆退散。随所生处身常无病。一切众生见皆欢喜。无净戒者净戒满足。不调伏者能令调伏。不清净者能令清净。破斋戒者斋戒复生。若犯四重及五无间极重罪业悉得消灭。无始劫来障累皆尽。若有女人欲求男者。即生勇健福德之男。四大天王常随拥护。造塔功德其福如是。若塔破坏变作微尘。风吹一尘散落他处。尘所经过山林河海。一切众生触斯尘者。永更不受杂类之身。舍身受生常得见佛。大王若善男子善女人。若于造塔及陀罗尼。想观分明一心忆念。永离水难火难王难贼难。刀兵等难无能伤害。若于旷野若空闲处。若于聚落及大会中。能以此经宣告大众。即为救护众生身命。所获福德量与空等。若于后世书写流通。塔虽未造造塔功德等无有异。我为大王及未来世一切众生。广开造塔延命功德。王当忆持。

尔时波斯匿王及诸大众。闻佛所说皆大欢喜信受奉行。

佛说造塔延命功德经

中天竺三藏牟尼室利 说梵语

西明寺大德赐紫沙门圆照 笔 授

章教寺大德沙门鉴虚 润文

灵云校本云 贞享四丁卯稔中春二十三日一校了 净严(四十九载)

【经文信息】大正藏第 19 册 No. 1026 佛说造塔延命功德经

【版本记录】CBETA 电子佛典 Rev. 1.12 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
